


**Sel Prestuhn Henry B. Eyring**  
Mwet in Kahsrh Se Met ke Prestuhnsi Se Met



# Mwe Insewowo ma tuhkuh ke Muhtwacnglah

**K**e nga tuh sie mukul fuhsr ah, nga kuhlwaacsap ke Alu uh ekihn mwet in kahsrh se met nuh sin tistik prestuhn na lahlmwetmwet se. El kwacna srihke in lutyuc. Nga esam kahs in kahsrh ma el tuh use nuh sihk ac: “Fin kom ohsun nuh sin sie mwet, oruh in nuh muh el oasr in elyah upac, na ac pwacye sum inkaiyacn pacl uh.” Nga tuh nuhkuh muh el siyac na ma upac uh yohk. Ingena, puhs likina yac luhmngaul, nga kuh in liye lah el kahlwem ke facluh ac ohiyacn mouh uh.

Kuht nuh kwewa oasr ma upac kuht sun—ke kuhtuh pacl, suc ma arlac upac. Kuht etuh lah Leum el lwelah kuht in sun ma upac kuht in muh eis etwacack ac suwohswohs kuht in muh muhta Yohrohl ma pahtpaht.

Leum el lotwel Mwet Pahluh Joseph ke Nien Srohoh Liberty lah mwe insewowo nuh ke muhtwacnglah lal ke ma upac nuh sel uh ac kahsrwel in fal in eis mouh ma pahtpaht:

Nguhn lal enenuh in sesseslah ke mihsalac. Mwe lokoalok ac mwe toasr lal fah mana nuh ke kihtin pacl.

Ac na, fin kom muhtwacnglah, God el fah sruhhkomyak nuh lucng; kom fah kuhtanglah mwe lokoalok lom nuh kwewa (liye D&C 121:7–8).

Ma pucspucs ke mouh se inge tuhkuh fungul kuht oruh liyeyuck muh upac in muhtwacnglah. Kuh in liyeyuck ohingacn nuh sin sie sucu ma muhta epacl nuh ke fukun imac lalos a wacngihn af sikyak. Sahp elos ac nuhkuh, “Kuh kuht ac muhta muhtweng ne ngac?” Kuh in liyeyuck ohingacn nuh sin sie mwet fuhsr ma puhtatyang in lain upaclah luhn ma fohkfohk ac mwe sruhf uh. Kuh in liyeyuck ohingacn

ke sie mukul fuhsr ma srihke in eis lutlut kuh ahkpah ma el enenuh nuh ke sie orekma in katweack muhtwacn kiyac ac sucu lal. Kuh in liyeyuck ohingacn ke sie mwet ma tiac kuh in sokwack orekma kuh ma fihlfihl in wacngihnac orekma la ke nien orekma ingacn kaliyac sruhnguhl lalos nuh sel uh. Kuh in liyeyuck ohingacn nuh selos suc puhlakihn elyah ke mas in mahno, ma sahp sa na sikyak kuh sikyak tok in mouh lalos kuh nuh selos suc elos luhngse.

Tuh God luhngse se inge tiac oakiyac ma upac inge in liye lah kuht kuh in muhtwacnglah ma upac tuhsruhk el oakiyac in liye lah kuht ac muhtwacnglah wo ac in eis kapkapwack kac.

Prestuhnsi Se Met lotwel Elder Parley P. Pratt (1807–57) ke sasuciyacn pahng lal nuh ke U luhn Mwet Sap Singucul Luo: “Kom oacwacnah nuh ke sie srihpac ma enenuh lohacng nuh kwewa lom uh; . . . eklac oacna soko osra fwel. . . . Kom enenuh in muhtwacnglah ma upac, orekma yohk, ac elyah ma tuhkuh ke wacngihn suhna luhn ma puhs ac eklac fas. . . . Pahpah tomom Inkuhsrao enenuh ohiyac sacn; ma Lal pa imac uh; ma Lal pa orekma uh; ac El fah . . . ahkenganye kom . . . ac sruhhkomyak.”<sup>1</sup>

Ke puk lal Hebrew, Paul el sramsram ke fahko luhn muhtwacnglah: “Ke pacl ma kaiyuk kut uh, kut ac liye oana in ma aksupwarye kut ke pacl sac, ac tia ma in akengankye kut. Tusruktu tok, elos su aksuwosyeyuk ke kain kaiyuk inge elos kosrani mouh in misla luhn sie mouh suwohs” (Hebrews 12:11).

Ma upac ac elyah lasr uh use pacl lasr in etwacnah ma uh ac kapkapwack, ac finne in ikihlkuhtlac sifacna. Fin kuht

kuh in for nuh sin Mwet Lahngo ke pacl upac emet nuh sesr, nguhnar kuh in ahksuwosyeyuck ke kuht muhtwacnglah uh.

Ke ma inge, ma se emet in esam pa in sikalweni in pruhe (liye D&C 10:5; Alma 34:19–29).

Ma se ahkluo pa in tahfwelah in kwacfeacng in liyacacng masap—finne oasr mwe lain, mwe sruhf, kuh mwe ahktihkuclkucl ma raunikuhtlac uh (liye Mosiah 4:30).

Ma yohk srihpac ahktolu in oruh uh pa in kuhlwacn-suhpuh Leum (liye D&C 4:2; 20:31).

Ke kuhlwacnsap luhn Leum, kuht muhtwacwacack in etwacclah ac luhngse El. Kuht ac, fin kuht kwacfeacng in pruhe ac kuhlwacnsap pwacye, muhtwacwacack in akih-len orekma luhn Mwet Lahngo ac mokleyuck luhn Nguhn Muhtahl ke moul lasr uh. Puhkantwen sesr utuckuh pacl in kuhlwacnsap ac puhlakihn kain in kolyuck inge. Fin kom ngwetlah nuhnkuh ke kain pacl ingacn, kom ac esamwack lah tuh oasr eklac lom. Mwe sruhf in oruh ma koluk uh oacna in srihkeni. Kena in oruh ma wo uh yohkwaclihk. Elos suc etwekom yohk ac luhngse kom sahp tuh fahk: “Kom eklac kuhlwacng ac yohkwaclihk mongfihsracsr lom. Liyeyuck muh tiac kom met ah.”

Kom tiac oacna kom met ah. Kom eklac ke Iwacclah luhn Jisus Kraist mweyen kom fungyang nuh Sel ke pacl upac nuh sum uh.

Nga olwelah nuh sum lah Leum el ac kahrwe kom ke pacl upac nuh sum fin kom sokol ac kuhlwacnsap nuh Sel ac nguhnum fah ahksuwosyeyuck ke fuhfahsryucsr lom. Nga kwacfe kom in sang luhlalhfongi lom nuh Sel ke ma upac nuh kwewa lom.

Nga luhlalhfongi lah Pahpah God el moul ac lah el lohng ac topuk pruhe nuh kwewa lasr. Nga etuh lah Wen Nahtuhl, Jisus Kraist, el molwelah ma koluk lasr nuh kwewa ac lah El kena kuht in fahsr nuh Yohrohl. Nga etuh lah Pahpah ac Wen elos liye kuhtyang ac ahkolah sie inkacnek nuh sesr in muhtwacnglah ac in sifil fohlohk nuh ingoh.

#### **MWE KAHSRUH**

1. *Ma el sruhmuhn kacl sifacna Parley P. Pratt*, ed. Parley P. Pratt Jr. (1979), 120.

---

#### **LUTI KE PWENG SE INGE**

Kuht nuh kwewa sun ma upac ma srihke luhlalhfongi ac kuh lasr in muhtwacng uh. Nuhnkuh ke enenuh ac

ma upac luhn mwet ma kom luti uh. Met liki kom oruh muhtwacta lom, kom kuh in pruhe suk kolyuck in etuh lah kom ac kahrswelos fuhkah in muhtwacnglah. Kom ac sahp nuhnkuh in sramsramkihn kwewana ip yohk ac ma suh-muhslah ma Prestuhn Eyring el fahk, wi pruhe, kuhlwacnsap, ac liyacacng ma sap. Kom ac sahp akacsruhi ke ma kom sifacna puhlakihn lah inkacnek fuhkah kom ahkinse-wowoyeyuck kac ma kahrwe kom in muhtwacnglah uh.

## **MWET FUHSR**

### **Ke Kawuck Luhk el Misac**

Sel Samantha Linton

**K**e nga kuhlals singucul sie high school ac, oasr mas se ke brain luhn kawuck se luhk ac el misac ke lwen tok ah. Finne nga mempucr ke Alu uh, tuh arlac upac nuh sihk. Lutyuck nga ke lusen moul luhk lah nga kuh in for nuh sel Pahpah Lucng ac Mwet Lahngo ke oacna sie ma, tuhsruhk nga tiacna sun kain in ohiyac se inge met.

Ao nga muhta tuhng, srihke in konwacack sie ma—ma—ac use mihslac nuh sihk. Fong se tukun el misac ah, nga forwacng nuh ke puk in on in alu ac. Ke nga olang sra puk ac, nga sun “Abide with Me; ‘Tis Eventide” (*Hymns*, no. 165). Fuhs ahk tolu pwacnlah muhtuhk:

*Muhta yuruk; pa ekuh an,  
Ac muhkuh fong suc ac fah tuhkuh  
Fin nga tiac kuh in sramsram nuh sum,  
Kuh konwacack kahlwem luhk in kom.  
Mwe lohsr luhn facluh, suc nga sahngweng kac,  
Ac oan in lohm sihk.  
O Mwet Lahngo, wiyuc ke fong se inge;  
Liye, fong tuhkuh.*

Fuhs se inge use mihslac yohk nuh sihk. Nga etuh in pacl sac lah Mwet Lahngo el tiac wiyuc muhkwen a ke fong sac tuhsruhk El oacyacpac etuh na pwacye lah meac nga puhlakihn. Nga etuh lah luhngse nga puhlakihn ke on soko inge tiac kahrweyuclac muhkwen a ke fong sac tuhsruhk kahrweyuclac ke ma upac puhs suc ma nga muhtwacnglah.

**Mwet sihm sac muhta fin acn Utah, USA.**

**Kom kuh in eis “Abide with Me; ‘Tis Eventide” ke [lds.org/go/7176](https://www.lds.org/go/7176).**



## Tuh Elos In Ma Sefanna

*Pruhe in luthutkihñ kuhfa se inge ac suk kolyuck in etuh ma in akacsruhi kac. Kahlwem ke srihpac luhn Rilif Sosaiti ac ahkoelah fuhkah tuhlihñ muhtwacñ nuhtin God nuh ke mwe insewowo ke moul ma pahtpaht uh?*

Luhlahlfongi Sucu Kahsruh

“Jisus el oraclah ma sefanna nuh sin Pahpah ke el Esacwacng, kwewana ke mahno ac nguñ, ke luhngse luhn Pahpah,” Elder D. Todd Christofferson ke U luhn Mwet Sap Singucul Luo el luti.

“... Pwacyena lah kuht ac tiac ma sefanna nuh sin God ac Kraist nekena kuht oraclah kena ac luhngse Lalos in pa kena yohk emet lasr uh. Eiskuhtyang nohfohn uh tiac kuh in sikyak ke lwen se na, tuh-sruhñ ke Nguñ Muhtahl, Leum el ac luti kuht fin kuht insese nuh kac nekena, ke pacl, ac kuh in fwack na pwacye lah El oasr in kuht oacna ke Pahpah el oasr in El.”<sup>1</sup>

Linda K. Burton, Prestuhn Luhlahp luhn Rilif Sosaiti, el luti lah kuht ac orekma fuhkah in ma sefanna: “Oraclah ac liyacacng olwelah lasr pa sie ohiyac ma fahkwack lah kuht muhtwacwacack in eiskuhtyang in oacna Mwet Lahngo. Ma sun emet uh pa in kwacfeacng nuh ke elah ma ahkkahlwemyeyuck ke kuhtuh pohloh kahs ke soko on ma nga luhngse:

‘I’ll go where *you* want me to go. . . . Nga ac fahk ma *kom* luhngse nga in fahk. . . . Nga fah oacna ma *kom* luhngse nga in oacna.’<sup>2</sup>

Elder Chritofferson el oacyacpac akacsmakihnye kuht lah “ke kuht kwacfeacng ke lwen nuh ke lwen ac wik nuh ke wik in ukwe inkacnek luhn Kraist, nguñ lasr uh ahkahlwemye mahtuhyac, mweun ke ma wo ac ma koluk, ac mwe sruhñ uh tilac ahkfohs.”<sup>3</sup>

Neill F. Marriott, Mwet Kahsruh se Ahkluo ke Prestuhn Luhlahp luhn Muhtwacñ Fuhsr, el fahkwack luhlahlfongi lal ke mwe insewowo ke kwacfeacng in oruh luhngse lasr in kuhpahsryang nuh ke luhngse luhn God: “Nga srihke kuhiyuck in sislah kena luhn moul in ikoac luhk in eis ma uh ke inkacnek *luhk* sifacna, tohkohyang nga konwacack lah inkacnek luhk uh arlac suhfas, wacngihñ suhna, ac suhfallac nuh ke inkacnek luhn Jisus Kraist uh. ‘Inkacnek luhn [Pahpah Tuhmasr Inkuhsrao] pa inkacnek ma kol nuh ke engan ke

moul se inge ac moul ma pahtpaht ke facl se fahsruh uh.’”<sup>4</sup> Lwelah kuht in kwacfeacng ke puhsisacñ in ma sefanna yurin Pahpah Lucng ac Wen Nahtuhl, Jisus Kraist.

### ***Ma Suhmuhsrah ac Koano in Weacng***

John 17:20–21; Ephesus 4:13; Doctrine and Covenants 38:27; [reliefsociety.lds.org](http://reliefsociety.lds.org)

#### **MWE KAHSRUH**

1. D. Todd Christofferson, “That They May Be One in Us,” *Liahona*, Nohfuhmpuh 2002, 72, 73.
2. Linda K. Burton, “Kuh, Engan, ac Luhngse ke Liyacacng Olwelah uh,” *Liahona*, Nohfuhmpuh 2013, 111.
3. D. Todd Christofferson, “Tuh Elos in Ma Sefanna in Kuht,” 71.
4. Neill F. Marriott, “Yielding Our Hearts to God,” *Liahona*, Nohfuhmpuh 2015, 32.

### ***Nuhñkuh Ma se Inge***

Oruh luhngse luhn God uh ac kahsrwekuht fuhkah in eklac oacna El?